

## SINLAI – 7 SAPTUAM DIK BULSUINA - (I)

**Thumapi:** Saptuam kichi thumal Greek pau “Ekklesia” a kipan lehkhia ahi a, khovel sual/mial a kipan vak a om dia ‘sapkhia’ hiam ‘saptuam’ chihna ahi (I Peter 2:9). A hotdam tate tuh Khris sapkhia tuamte ahi ua (Nasepte 2:47), Khris in a sisan a a lei ahih zia in (Nasepte 20:28) a it mahmah hi (Ephesa 5:25). Huaiziakin Saptuam tuh thil namai ahi kei a, Pathian tangtawn thiltup ahi (Eph 3:10-11). Hiai saptuam dik tuh kua’n bangchik a, koimun a hon lamkhia a, amin dia bang hon phuak a, bangziak a lamkhia ahia chih i en ding uh.

**Theih ding:** Khovel mial lak apan vak lamdangtak a, a tapa ittak gam lut ding a sapkhiahte (a Saptuam) tung ah Khris in vai a hawm a, Khris tuh a sapkhiahte lutang ahi a, a sapkhiahte tuh a lalgam ahi. Huaiziakin Lalgam (Kingdom), Pathian’ Lalgam (Kingdom of God) leh Van’ Lalgam (Kingdom of Heaven) kichite Saptuam (sapkhia a omte) genna ngen ahih dan i mangngilh louh ding ahi.

### I. SAPTUAM PHUTKHETU JESU KHRIS:

Jesu Khris kiang ah Pathian in “Lei leh van a thuneihna tengteng” a pia hi (Matthai 28:18). Jesu’n “Hiai suangpi tuang ah KA SAPTUAM kalamtou ding” achi a (Matthai 16:18). Huai suangpi tuh Jesu Khris ahi (I Korinth 3:11; 10:4). Saptuam tuh Jesu Khris tung a, Sawltakte leh Zawlneite zang a lam ahi a, Khris tuh Saptuam lutang/heutu ahi (Eph. 2:20; Kol 1:18). Huaiziakin Jesu Khris tuh Saptuam phutkhetu, a lupen leh Saptuam tung a thunei pen ahi. (Eph. 1:22-23; 5:23)

### II. AHUN – A.D. 33 vel:

Isai 2:2-4 leh Mika 4:1-2 ah “Ni nanung lam” in Saptuam (Pathian Inn/Inkuanpihte - I Tim. 3:15) lamkhia in a om ding achi hi. Huai hun chiang in nungzui khenkhatte a dam lai ding uh (Marka 9:1). Jesu khros ah a sih ma in a lamkhe nai kei lai (Matthai 16:18). Huaiziakin van’ lalgam (Pathian’ gam) a naita chi a tangkoupih in a om lel (Matthai 3:1-2; Marka 1:15). Toupa Jesu’n hiai lalgam (Saptuam) hong tunna ding in thum un achi (Matthai 6:9-10).

Pentikost ni in Peter in zawlnei Joel in “Ni nanungte ah hichi ahi ding a..” (Joel 2:28) chi a a na genkhohh tuni in hong tungta achi (Nasepte 2:16-21). Huai ni in Toupa Jesu genkhohhna (Marka 9:1) mah bang in nungzuite Juda Iskariot chihlouh a dam lai uh (Nasepte 2:14). Huaiziakin hiai a “ni nanung” chih tuh Mosi Dan Hun bei ding a, Thukhun Thak Hun kipat ding a na genna ahi (Heb 1:1-2; I Johan 2:18).

Huchiin, PENTEKOST NI, A.D. 33 vel in Jerusalem ah hiai genkhohhna hong tangtung in Saptuam lamkhia ahita hi (Nasepte 2:47).

### III. AMUN – JERUSALEM:

Isai 2:2-4 leh Mika 4:1-2 ah amun ding tuh Jerusalem ahi ding chih a na genkhohhna. Huchi mahbang in, Toupa Jesu’n a nungzuite a thuhilhna ah huai hun ding tuh Jerusalem ah na ngak gige un achi (Luka 24:49; Nasepte 1:4-5). Jerusalem ah a na ngak ua, huchi in Pentikost ni hong tun in Khasiangthou piak in a omta uh (Nasepte 1:12; 2:4). Huai ni in mi 3,000 khawng hong piangthak ua, Toupa’n amaute a Saptuam ah (a kiang uah) a behlap hi (Nasepte 2:47). Huchi in, hiai ni in Toupa’n JERUSALEM ah Saptuam a lamkheta.

### IV. AMIN – KHRIS SAPTUAM:

Matthai 16:18 ah i Toupa'n 'KA SAPTUAM' ka lamkhe ding achi hi. Hiai "KA" chipa 'Jesu Khris' ahi chih chiamteh gige in.

Pentikost ni a Peter in thu hon gen leh piangthak 3,000 khawng a om uh chih i Laisiangthou in hon hilh (Nasepte 2:41). Huan, Peter leh Johan in Pathian Biak-inn a thu a gen lai un piching ngen leng 5,000 a pha ua, a lak ua akhen tampi in a gingta uh chih i mu nawn (Nasepte 4:1-4). Hichi bang a khristian hong pun behbeh lai un sawina nasatak a thuak ua, gam teng ah a dalh zakta ua; a dalhzakte kho teng ah a pai ua, thu a gen zel uh (Nasepte 8:1-4). Paul in a laikhak ah "Khowel teng ah na ginna thu uh a than ziak in na vek ua tung ah ka kipahna thu Jesu Khris ziak in ka Pathian kiang ah ka gen masa phot ahi" achi hial hi (Rome 1:8). Paul mah in a laikhakna ah Jesu Khris in Mathai 16:18 a "KA SAPTUAM" a chih mah bang in "KHRIS SAPTUAM" achi (Rome 16:16).

#### **Huaiziakin Saptuam tuh:**

1. Khris Saptuam (Rome 16:16)
2. Piang Masapen Saptuam (Heb 12:23)
3. Khris' Pumpi (Eph 4:12; Kol 1:18)
4. Pathian' Saptuam (I Kor. 1:2; I Tim 3:15) chi a gen in a om.

**Theih ding:** Atung a kigen Laisiangthou a tuang Saptuam minte en lechin Khris kaww lou himhim a om kei. "Pathian' Saptuam" chih bang leng pawl tuam, min tuam leh kithuhilhna (doctrine) tuam zang hilou in, Khris' Saptuam mah a genna ahi. "Pathian' Saptuam, a sisan a a leite" (Nasepte 20:28) a chih chitchiat ziak in Khris mah a kaww veve hi. Mial lak a kipan samkhepa leh a sisan a leipa Jesu Khris ahih ziak in KHRIS' SAPTUAM ahi. "Midang kuamah kiang ah hotdamna a om kei", Van nuai a mihing sak lak ah hon hondam ding min dang himhim a om kei" (Nasepte 4:12).

#### **V. SAPTUAM KHAT — KHRIS' SAPTUAM:**

Matthai 16:18 a Jesu Khris in "Hiai suangpi tung ah 'KA SAPTUAM' ka lam tou ding" achih in "Saptuamte" achi kei. Saptuam khat kia lamkhiak ding achi. Ahihhangin mun tuamtuam a tualsung Saptuam hiam, mimal-malte hiam, alom a a hon gen chiang in "Saptuamte", "Khris Saptuamte" achi (Rome 16:16). Himahleh kivaipuakna leh kithuhilhna tuamtuam zang, pawl tuamtuamte chihna ahi het kei. Jesu'n a sih ma in khristiante pumkhat ahih na ding un a thum (Johan 17:20-23).

Paul in "Na vek ua thu kibang na gen ua, na lak ua kikhenna himhim a om louhna ding in, lungsim munkhat leh ngaihtuah munkhat a, diktak a na kizop tinten zaww na ding un Toupa Jesu Khris min in ko'n ngen hi" achi (I Kor. 1:10). Korinth Saptuamte hong kikhen dek lai in Paul in a taai (I Kor. 1:12-13). Laisiangthou in pumpi khat kia a om a chi (Eph. 4:4). Huai pumpi tuh Saptuam ahi (Eph. 1:22-23; Kol. 1:18,24). Huaiziakin Khris in Saptuam khat kia a lamkhia a, amin tuh Khris Saptuam ahi a, Khris min suang a pawl dang himhim bawlkhiak a phal kei (Matthai 15:13; I Kor 3:11).

Mi khenkhatte'n Johan bung 15 a Jesu'n "Kei a grep guipi tuh ka hi, nou a hiangte na hi uh" achih leh Rome 12:4-5 a, "Pumpi khat ah hiang tampi i nei ua, hiang tengteng nasep bel a kibang kei hi. Huchi mahbang in, eite tampi himah lehang Khris ah pumpi khat i hi ua; a tuamtuam in i kihiangtuah chiat uhi" a chih khawng pansan in, pawl tuamtuam ah om mah lehang Khris ah pumkhat vek i hi achi uh. Jesu'n, nungzuite ahi a hiangte achih. Amaute pawl tuamtuam a kivaipuakte ahi kei uh. Amau mimal-mal leh Jesu Khris tangtak a kizom ahih dan uh a genna ahi.

Huchi mahbang in, Paul in Romete a laikhak lai in pawl min tuamtuam, kivaipuakna tuamtuam a kivaipuak ahi het kei ua. Khris' Saptuam ngen ahi uh (Rome 16:16). Hiai in Johan bung 15 a a gen mahbang in, khristiante aliantuam-aneutuam omlou, Mosi' Dan hun bang a palai omlou a eimah kisiamput a Khris toh mimal-mal tangtak a kizom i hih dan a genna ahi. Huaiziakin Jesu Khris in Johan bung 15 leh Rome 12:4-5 a a gen pawl tuamtuam kawc ahih louh dan i Laisiangthou mah in hon hilh hi. Saptuam khat kia a om achih ziaik in (Eph. 4:4; 1:22-23; Kol 1:18,24; Mathai 15:13 sim in).

Khenkhatte'n Johan 10:16 a Jesu'n "Hiai belum huang a lou, belum dangte ka nei..." a chih in pawl tuamtuam a genna ahi achi uh. "Hiai belum huang a lou belum dang" a chih Jentelte a chihna ahi a, "belum huang a" a chih Judate a chihna ahi. Hiai thu a gen in Jesu khros a sih Chiang in Judate leh Jentel khentuam om nawnlou in, hotdamna lampi kibang zui a hon khat a gawm ahi ding chih a genna ahi zaw (Eph 2:11-19). "Pawl tuamtuam ah om mah lehang i gin phot a, Laisiangthou i zuih khak phot leh hotdam i hi thou ding" khenkhat in achi uh.

Laisiangthou zui hile uh Laisiangthou a tuang loup i mihing pawl-bawltawm a a tel ut uh a gintak-huai kei. "A lak ua kipan hong pawt unla, atuam in om un: thil sianglou himhim khoih kei un Toupa'n a chi" chih gelh ahi ngal a (2 Kor 6:17). Gingta a Laisiangthou zuite'n zaw "GINNA KIA" a chi ngei kei uh. Laisiangthou chih bang in "Ginna tuh thilhih tel lou in a si ahi" achi zaw uh (Jakob 2:26).

Tu'n, Thukhun Thak Saptuam, Pathian in a phuhkhiak Saptuam dik tuh a phut khetu JESU KHRIS ahi a, A.D. 33 vel a JERUSALEM a a phuhkhiak ahi. Amin KHRIS SAPTUAM ahi a, KHAT KIA a lamkhia chih Laisiangthou ah i muta uhi. Laisiangthou in "Khris tuh amah ngei pumpi (a Saptuam) hondampa hi a..." (Eph 5:23) achi. Khris' Saptuam tuh Pathian phuhkhiak ahi (Eph 3:9-11). "Kuapeuh belum huang a kongkhak a lut lou a lamdang a kahlut, huai mi mah tuh guta leh suamhat ahi" (Johan 10:1). "Kung tengteng ka Pa van a om suan louh tuh bohkhiak in a om ding" (Matthai 15:13).

---

## SINLAI 7-NA ETKHIAKNA

1. “Ekklesia” bang pau ahia? Bang chihna ahia?

---

---

2. Mial a kipan a vak a om dia samkhepa kua ahia? A sap-khiakte kua Saptuam a kichi a?

---

---

3. Khris’ Lalgam kichi bang ahia? Tungkhin hia, tung nai lou?

---

---

4. Kua kiang ah ahia, Pathian in “Lei leh van a thuneihna tengteng” a piak?

---

5. Saptuam phuhkhiak a a om ding dan Zawlneite genkholhna mun 2 gelh in.

i) \_\_\_\_\_

ii) \_\_\_\_\_

6. Saptuam dik na zilna apan dawng in:

i) Saptuam dik phutkhetu: \_\_\_\_\_

ii) Phuhkhiak hun: \_\_\_\_\_

iii) Phuhkhiakna mun? \_\_\_\_\_

iv) Saptuam dik min: \_\_\_\_\_

7. Saptuam genna min tuamtuum 4 gelh inla, a Laisiangthou tang toh gelh zel in.

i) \_\_\_\_\_

ii) \_\_\_\_\_

iii) \_\_\_\_\_

iv) \_\_\_\_\_

8. “Pathian’ Saptuam” leh “Khris’ Saptuam” kichi pawl tuamtuum hia, ahiah-keileh pawl khat?

---

---

9. Jesu’n, Matthai 16:18 ah Saptuam bangzah ka lam khe ding achi a?

---

---

10. Johan 17:20-23 ah Jesu bang adi'n a thum a?

---

---

11. Jesu'n Saptuam (pumpi) bangzah a lamkhia a? (Eph. 1:22, 23; Kol. 1:18; Eph. 4:4)

---

---

12. **Hiai anuai a mun-awngte sudim in:**

i) "Huan \_\_\_\_\_ aw, na vek un \_\_\_\_\_ na gen ua, na lak ua \_\_\_\_\_ himhim a omlouhna dingin lungsim \_\_\_\_\_ leh ngaihtuah \_\_\_\_\_ a diktak a na \_\_\_\_\_ chinten \_\_\_\_\_ ding un \_\_\_\_\_ min in kon ngen ahi " (I Kor 1:10).

ii) "Mi tengteng in, kei \_\_\_\_\_ pawl ka hi. Kei zaw \_\_\_\_\_ pawl ka hi. Kei zaw \_\_\_\_\_ pawl ka hi, kei zaw \_\_\_\_\_ pawl ka hi na \_\_\_\_\_ vengvung uh, \_\_\_\_\_ khen in a om ahia? \_\_\_\_\_ na sik un \_\_\_\_\_ in a om ahia? Ahih-keileh \_\_\_\_\_ min a \_\_\_\_\_ na om ua hia?" (I Kor 1:12-13).

iii) "Ama'n tuh \_\_\_\_\_ tengteng ka \_\_\_\_\_ van a om \_\_\_\_\_ tuh \_\_\_\_\_ in a om ding. Amaute \_\_\_\_\_ kei un; \_\_\_\_\_ makai ahi uh: Huchiin \_\_\_\_\_ mah a \_\_\_\_\_ leh \_\_\_\_\_ ah a \_\_\_\_\_ ding uh achi a, a dawng a" (Matthai 15:13).

13. Jesu Khris leh khristian mimal-malte tangtak a kizom ahih dan genna Laisiangthou tang 2 gelh in.

i) \_\_\_\_\_

ii) \_\_\_\_\_

14. Jesu Khris sih ma a Juda leh Jentel hon khat ahih louh dan genna Laisiangthou tang mun khat gelh in. \_\_\_\_\_

15. Jesu khros a a sih nung a Juda leh Jentel khentuam om nawn lou a hotdamna lampi kibang zui a hon-khat ahih taak dan genna Laisiangthou tang khat gelh in

---